



Տ. Տ. Գ Ե Վ Ո Ր Գ Ձ

ԾԱՅՐԱԳՈՒՅՆ ՊԱՏՐԻԱՐԻ ԵՎ ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Սեպտեմբերի 27-ին, Ս. Գևորգ տոնի ու Մայրագույն Պատրիարք և Ամենայն Հայոց Կաթողիկոս Տ. Տ. Գևորգ Զ-ի անվանակոչության տոնի օրը, Մայր Տանարում հանդիսավոր պատարագ մատուցվեց:

Պատարագիչն էր Տ. Կարապետ Եպիսկոպոսը:

Պատարագից հետո Վեհափառ Հայրապետ Տ. Տ. Գևորգ Զ-ի անվանակոչության տոնի առիթվ հայրապետական մաղրանի կատարվեց ամբողջ Միաբանության մասնակցությամբ և հոծ բազմության ներկայությամբ: Մաղրանից ստաշ պատշանավոր խոսք ասաց Տ. Կարապետ Սրբազանը:

Միաբանությունը և ժողովուրդը Վեհափառ Հայրապետի աջն առնելով քաջանայանք և օրհնություններ:



ՀԱՅՈՑ ԵԿԵՂԵՑԻ

ՄԱՅՐ ԱԹՈՒ

Սեպտեմբերի 25-ին Հոգևոր ճեմարանում հանդիսավոր նիստ տեղի ունեցավ՝ երրորդ ուսումնական տարվա սկսվելու առթիվ։ Նիստին ներկա էին Ս. Էջմիածնի Միաբանութան անդամները, ճեմարանի դասախոսական կազմը և սաները։

Նիստին ներկա էր նաև ՀՍՍՌ Մատենադարանում գիտական աշխատանք կատարելու համար Ռուսաց Ուղղափառ Եկեղեցու Պետ՝ Ալեքսի Պատրիարքի կողմից Սովետական Հայաստան գործուղված Նիկոլայ Պետրովիչ Դոկտուրովը։

Ճեմարանի վերատեսուչ Մ. Մինասյանը նիստը բաց անելով ողջունեց դասախոսական կազմին և հին ու նոր սաներին, հաջողություն ու եռանդ ցանկանալով նրանց՝ ուսման երրորդ տարում։

Ողջունի խոսքով հանդես եկան նաև Գեոր. Գևր. Սուրեն և Կարապետ Եպիսկոպոսները, Սահակ վարդապետը, դասախոս Դիլոյանը և Մոսկվայից հյուր եկած Նիկոլայ Պետրովիչ Դոկտուրովը։

Սեպտեմբերի 28-ին Մայր Աթոռ այցելելին վերաբույժների երրորդ անդրկովկասյան համագումարի, որի նիստերը տեղի էին ունենում Երևանում, մի խումբ մասնակիցներ, դրանց թվում Հայաստանի, Վրաստանի ու Ադրբեջանի մի շարք ակնավոր պրոֆեսորներ ու բժիշկներ։ Հյուրերը Մայր Տաճարում ներկա եղան Ս. Պատարագին, դիտեցին թանգարանը և ապա թանգարանապետ Տ. Սահակ վարդապետի ուղեկցությամբ այցելե-

լեցին Վեհարանը, ուր արժանացան Վեհափառ Հայրապետի ընդունելությանը։

Հոկտեմբերի 11-ին, Ս. Թարգմանչաց տոնի շրջը, Ս. Էջմիածնի Հոգևոր ճեմարանի դահլիճում կազմակերպվել էր դրական-գեղարվեստական երեկույթ։

Տոնի նշանակության մասին արտահայտվեցին Գեոր. Սուրեն Եպիսկոպոսը և Տ. Սահակ վարդապետ Տեր-Հովհաննիսյանը։

Թարգմանչաց տոնի մասին հիմնական զեկուցում արեց ճեմարանի վերատեսուչ Մ. Մինասյանը։

Երեկույթին մասնակցում էր Հոգևոր ճեմարանի սաներից կազմված երգեցիկ խումբը՝ Տեր Նիկողայոս ավագ քահանա Բավկյանի ղեկավարությամբ։

Հոկտեմբերի 12-ին Մայր Աթոռ այցելեցին Հայկական ՍՍՌ մուսուլմանների կրոնական պետ՝ Ղազի Շեյխ Ալասկյար Մահաուլամովը և նրա տեղակալ Միրզա Ալակպեր Բալրամովը։ Նրանց ուղեկցում էին Երևանի Դամիր-Բուլաղի մզկիթի գործադիր օրգանի նախագահ Աբաս Ֆարաշը և Հաբիբ Ռզաբեկովը։

Հյուրերը թանգարանը դիտելուց հետո Մայր Տաճարում ներկա եղան Ս. Պատարագին։ Պատարագից հետո նրանք Տ. Սահակ վարդապետի ուղեկցությամբ այցելեցին նաև Վեհարանը, ուր արժանացան Վեհափառ Հայրապետի ընդունելությանն ու հյուրասիրությանը։